



石倉十二代詩選

明四集卷之三十一

皇甫昆季

後學曹學佺閱

皇甫

汾

字子循有百泉集

秋日寺眺

西錫混縑流南冠顛囚客昨戾青陽徂今來素
秋迫炎序俄戒涼華滋互凋實前因感六迷後
果証三惑欲消塵世牽聊晦空山跡夙夜緬畏
行明朝露方白

雨懷盛仲交時在清聽齋中

支齋營八關陶情緬三逕嗟我年裘徒悵此琴
尊興空邇心獨遐城嚴跡難弁卮言誰與談籥
理自相証細雨忽戒寒輕霏坐生暝天風迴海
潮秋聲送清聽

擬上人菊院

灼彼東籬花眷茲西土見青蓮同淨姿金粟等
明舊色普象王供香堪鹿女薦何異休公枝一
令鮑生羨榮悴各有因開落互相禪我本解宦
人歸情胡能遣

香無黃州郡齋作

少年不知諦攄衷懷謬在宥蒙至仁承嘉謚
猶薄員外置爲理齋中但掩閣輟藻事刑書懸
蒲代敲朴株染得自明逮者盡釋縛雖乏廣漢
神庶幾伸出諾兩聞春鳥鳴再見秋英落笑悟
孺子歌閒從漁父諱采蘭貽所思無媒將焉托
投賦吊湘纍長揖返丘壑

始至澶州作

自我謝郎曹場來守吏局場翼懷奮飛低眉就

羈束驅役遵旄丘興歌睇淇澳愧乏沂海謠何
以佐明牧幸寡宣城詞間可理尺牘升旣等陵
喬沈亦悟陂復芳草合江程清猿竚旋轂衛水
日東流因之鑿心曲
廣平郡觀蓮寄翁守
留京白雲司原廟青山路眷此湖上芳期之省
中顧俄承畿輔麾遂抗邛郾步遶郭帶澄溪朱
華湛秋露燕寢晝亦閒襦歌夜安作徒爾奉清
香無由展良晤

移官越中初返家園奉答伯兄虞山見寄
薄遊逗京邑獨往眷長林始奉越鄉役因愜故
山尋曠茲二載別良晤展斯今誰謂百里間猶
自邈徽音未結丘中賞先枉池上吟睇燕悲稍
戢懷荆慨以深花源迴俗轍蘿逕斷塵簪且駐
稽東駕雲屏期此心

郡齋作

雅志懷山棲復得理山郡蒼岫入南楹白雲帶
西徑雖事簿領勞時與煙霞并心曠眺旣遐跡

歷代詩選 卷之六 三
沉尋亦近下車芳載徂牽牒兩明迅仁靜樂有
餘拙遲澹無競命藻酬清暉濡毫愧靈運

得月亭

清溪一何湛源深白雲曲望舒忽東昇浮光漸
西陸蕪趾匪舊存芳亭煥新築碎壁時復沉散
金如可掬雖乏謝監棕聊寄庾公矚誰謂曠音
塵古來共幽獨

初發京口

少年慕攀鱗千里輕徒步媿匪登廟姿亦謬臨

軒顧朝躋赤墀塗夕騁青門路寧知世網嬰遂
爲儒冠誤昨浮湘江還願守箕山臥不勝戰者
勞心跡兩乖忤解纜指廣陵眷戀未能渡興歌
矚流波庶幾照情素

桃源遇風追子安家兄舟不及

干祿非夙心行役苦相迫杖策隨平原揚舲共
羈客空水閱桃花深山眺桐栢終風暴且來奔
湍溯方逆臨津引不前天際孤帆隔馳情東望
時何異西陵夕停橈旣無棕對酒亦未擇眷眷

勞歌興戚戚煩憂積

天界寺贈半峰上人

顧省紛俗嬰尋山愜幽趣秋水淨金河寒雲翳
珠樹了看花落時莫辨鳥還處休公別來詩江
生擬將賦

雪川寄王戶曹湖上官舍

初雪度江城殘雲來省閣覽物嗟歲殫懷人悵
居索擇木本同棲傾枝猶異託維舟安可從開
尊自成酌

同蔡中郎過王員外宅懷少女家兄

委巷駐高車清溪夾幽宅細雨憑流年凝燈照
寒夕依同南樹情飛異西陵跡為假雲中翰一
寄天台客

送謝比部考績入京舊北法司也

逢時共攀鱗牽世俱嬰網虞績三載成漢法兩
郁掌送子滄江干謁帝彤庭上緒風傳曙鐘晴
霞拂僊仗班行罕故人能無重懷往

出門行

君不見李生出門仰天笑仗劍直走長安道又
不見蘇季還家人盡輕敝裘載入咸陽城丈夫
意氣橫雲海跼促寧爲轅下態白壁荆磨美益
光黃金百鍊精還在身若藩羊觸未安心同塞
馬達能觀人情豁壑非云險世路風塵本自難
魏尚朝聞起代門夕看持節擁朱軒解道
聖明能使過須知感激爲銜恩

夏日對酒歌

春光奄忽朱明移華丹委謝柔綠滋白日幸長

猶苦熱清夜雖短能忘疲美人邀我入蘭室臨
池倚檻待月出左宦空嗟軒冕年閒居恐負琴
尊日萬物萍浮無定蹤一身瓠落竟難容江邊
冉冉老將至世上悠悠時未逢文章自古俱寂
寞富貴何如且行樂雲夢徒誇獻賦田天祿終
慙校書閣黃金爲壘白玉漿朱絃錦瑟泛清商
美人勸酒須酩酊我亦高歌生慨慷明月漸昇
燭方滅涼颼徐來纓欲絕莫愁殘夜已棲鳥但
恐先秋早鳴鳩

俠客行席上贈吳子

臘月金陵有俠客雪中訪我長干陌
幾樹初彫惠遠林六花正覆袁安宅
杯酒相逢總夙緣江山轉盼空陳跡
聞君明發廣陵遊淮水孤帆重倚樓
二十四橋何處是思心隨夢到揚州

壯歌行

君不見男兒生年二十好任俠落魄何曾問家
業暫從喪舍給吹簫肯向侯門坐彈鋏相逢寒
士解金裝悲歌同醉酒壚傍上蔡總爲牽犬地

平津俱是鬪鷄場一朝折節誦詩書三冬已足
五車餘落筆言詞妙天下拔劍意氣薄雲衢歲
中超致大夫位才高奈取公卿忌報主寧須顧
一身使我但不登三事世情翻覆有波瀾崎嶇
蜀道未云難讒言興處憎蠅口峻法持來笑豸
冠誤染疑暗身遂枉徒抱憂心誰爲諒摺溺猶
可干秦君髡鉗却是中郎將自古成功四序遷
詎知倚伏有時旋仲文枯樹非全死長孺寒灰
亦復燃可憐禍福遞相因堪嗟貧賤不相親安

用先銜灞陵尉祗因長謝翟門人

張明府送吳釀戲作短歌

君不見閭闔朱樓十二開酒旗高結彩雲隈誰
家寶馬非留住若箇金貂不換來吏部甕邊狂
亦甚文姬鑪前嬌可哀此時新釀勞相贈此夕
鄉心醉裏迴

天津對月歌

天津城外海潮生楊柳堤邊月正明岐路終當
堪下淚關山此夜倍含情乍見光流金闕裏分

明影傍瑤臺起懷璧虛從上國來投珠莫向都
門倚迢迢蘭漿旅人舟寂寞羅幃思婦樓失籠
翻憐圓似扇和光祗恨曲如鉤自同烏鵲枝間
戀那知蟾兔須臾變秉燭南皮尚雅游飛蓋西
園憶芳宴幾許清暉三五期爭得朱顏二八時
且共高陽縱飲去安用成都訪卜爲

天津答少玄兄

別家五月渡江水權拂炎雲入淮汜行殘六月
簾櫳流涼颿一夕秋聲起眼中金闕已在望手

持玉盃喜相向聞道長安有狹斜明朝走馬踏
晴沙莫將潞水橋邊柳看作玄都觀裏花

默遊園歌贈李侍御

漢武雄圖歌底定西京得人號全盛蕭朱結綬
羨同升王貢彈冠許相慶建安才子數應徐陳
阮同時託後車清秋飛蓋追隨後良夜哀箏潤
耳餘我明中興逢 聖主海內賢豪盡羅取尚
書門下期不來宰相閣東延始聚共知舊事已
更新誰謂今人莫如古李君文藻玉堂才曉乘

驄馬入蘭臺忽看西狩從遊日正值南閩奉使
回止輦故鄉宸眷久召君立拜荊州守後宮慣
是妬蛾眉滿朝况易傾蠅口拂衣一朝辭楚關
思君萬里望蒼山可憐素髮俱凋盡且喜清揚
得再攀柱下園居守淵然邀我開尊坐泉石屈
指交遊半不存灰心勲業都堪釋愧我蓬飄空
歲年微官輒落尚風煙因君欲訪多羅偈出却
人間煩惱緣

過泉上人竹所尋王履吉讀書處

歷代詩選 明皇南子集 九
素業依香積芳林託化城偶來乘逸興聊用遣
春情載酒鶯花落談經象馬鳴王猷安可見空
自竹叢生

雨夕重悼張子同少玄理山作

細雨空堂暮孤雲冉冉陰逢誰話山水茲夕痛
人琴南國梅花落西園芳草深何須聞楚奏始
有淚霑襟

初至南都訪蔡白石作

東土風流地西京故事存重聯華省騎來共治

城尊歲逐滄波盡心將落葉繁未能辭世網猶
傍舊青門

古沙汪君嘗遠謁崆峒子詩以贈之

卜宅近仙源晴沙別有村花時游洛水雪後訪
梁園買笑黃金盡耽詩白髮繁李膺門下客歎
息幾人存

訪是堂廉訪不遇

闌暑雨餘清梁溪秋水生思君成契闊何事厭
逢迎閉戶驚花落回車戀鳥聲莫言歸興盡臨

發重合情

託宿報恩寺

平野新秋入長干舊寺存青蓮非世界綠竹是
山門塔火看生滅鐘聲悟靜喧迷方欲有問慙
對遠公言黃金盡後日幾繁李勣門下客
十字寄故園兄弟
旅跡原無定塵躬且未寧心將齊塞馬夢屢到
原鴿世事具官草年華楚水萍從來堪洒淚郭
外是新亭

安隱寺

人天卽此路花雨見空臺刹盡南朝建經多西
土來碑荒殘蘚合僧定野棠開了悟身如幻何
須訪劫灰

寶光寺

四山棲梵處一境杳然深歲久惟看樹臺荒半
宿禽遠江橫落日寒殿下秋陰獨坐觀冥理寧
知靜者心

崇明寺至日答舍弟

僧臘逢長至征途感歲陰
茆峰帶郭近花井入溪深
睠世無靈氣違時減道心
徒煩訪丹藥何日變黃金

惠應寺胡秀才讀書處

支公禪誦處却有董生帷
地僻聞鐘遠林荒下鳥遲
持經殘雪映閉戶白雲垂
辛苦精儒行還應靜者知

柬黃生志淳

作賦頻遊洛持書似謁秦
長干連大道淮水是

通津月下花愁客霜前鴈報人
爲君題贈婦惟
有素衣塵

早歲贈朱子還岳州

客路逢朱季還家指洞庭
人言楚多士獨作漢
明經澧水天連澗君山歲晚青
時來採藻處得意詠湘靈

觀堂

秘殿何年化餘基尚可尋
辨灰應悟劫投石不知心
挂衲惟枯樹聽經有舊禽
那堪芳草處

是布黃金

始發滇

荒外倦遊日南中歸去情春心同社燕旅迹任
江萍自恨拂衣晚誰云脫屣輕獨憐山吏部門
下絕嵇生

解官歸奉答舅弟友人

早歲從羈宦終年辭密親長蘿謝逋客芳草遲
歸人廬幸先人敝家徒減仲貧故園華萼在何
必日南春

過張聚之新居

早學樊生圃初歸平子田蕉陰清簟上花氣綠
窻前客每携尊往予思借榻眠墻東喜相接無
用買鄰錢

酬子約秋日讌集

隣君暫休沐留客賦郊居琴興聞蟬後秋聲落
木初白雲閒北牖芳草歇前除卽序方盈念貧
交已漸疎

荅黃一之

伊誰惠芳訊叔度本雄才白雪新秋詠蒼山遠
道回烽燧迷越嶠月露冷胥臺花逕猶堪掃何
爲仲不來

答黃志淳金陵惠訊

憶爾因兵燹携家住石城嗟余解纓冕稅駕返
柴荆夢裏秦淮遠愁中歲月更如何書寄語猶
是未歸情

送友人還洞庭西山

湖山招隱地歲晚獨歸人寇亂惟衰鬢途窮共

此身門閒嵇散釣甌滿范生塵別後毛壇路花
溪夢裏春

寄釋雲谷於攝山

棲霞信靈境滅跡企前規松覆梁王宇苔荒江
總碑鱸歸秋興後猿定夜禪時怨別心千里惟
應江水知

富春道中與范憲副舟讌

已謝塵中鞅猶同使者舟清尊聊卜晝白髮幾
經秋山色分香靄灘聲迤急流獨憐垂釣處閱

水自悠悠

重陽前一日分宜戴令邀登鈴岡山

令楚人也

昔有飛鳧宰曾迴戲馬鑣今來花縣裏因就碧
山招旅跡江萍轉鄉心楚鴈遙及時堪眺賞何
必待明朝
袁州九日
信美登高日宜春有舊臺花非吳地發鴈是楚
天來郭外千家盡窻中萬壑開此鄉多旨酒聊
覆使君杯

寄鄒東郭祭酒

曾覽先朝籍君家名與通著書稱馬走問道得
鴻濛歲月別來久雲山歸去同幽居應不遠負
郭即墻東

答張聚之惠問

六橋花下酒送子返柴居為別清秋暮相思章
水餘塵驅慙駟馬道遠望雙魚何處詢流寓匡
山欲著書

三衢道中

歷代詩選
村居無別業民俗半爲農樹杪開山閣溪灣置
水春採薪朝候艇乞火夜聞鐘歲晏收霜橘猶
堪比戶封

黃州命下感述

竄跡未聞遠離憂遂不堪從茲謝朝寺言往涉
江潭斯地有餘慨昔賢良所諳自應齊塞北詎
敢薄淮南

秋日江上寄故園兄弟

別去無多日憂來復此時所嗟吳地遠詎惜楚

江遲客淚因猿墮鄉心有鴈知每逢花與月翻
遣助相思

孝感道中託宿觀音菴

爲客倦秋暮投僧忽夜深臺雲藉草色簷月徙
松陰過去空陳跡歸來違素心此時猿與鴈併
是助霑襟

過古城寺寄憶熊郡長一首

空山嗟獨住古寺惜重來花暗曾分榻藤交舊
上臺春風難遣駐夜壑易成哀此地王陽馭茲

時可復迴

題淮上周將軍園亭

風景駐淮東將軍別業雄
小山初卜隱大樹不言功
架上披緇帙牀頭掛角弓
那知金谷夢猶遠玉關中

初至京同諸進士集羅山人館賦得東字

十年遠冀北一壑臥江東
歸去同元亮重來藉子公
鶯花新漢月燕麥舊春風
祗自持紈扇慙恩女伴中

諸君乘月携酒見過遲謝山人不至

芳樹長安道春宵動旅愁
一尊良讌會四海盡交遊
玉漏寒頻度金河淨不流
清輝憐謝監何事隔南樓

清明日簡沈二進士

雲卿驚物候錫館憶吹簫
上苑青春樹平津綠水橋
王孫遊洛夢公子涉江謠
為自牽離緒誰能覩柳條

首夏集姚令園亭分得君字

會有幽棲地能招好事群草芳殊未歇鳥語更
相聞掃徑花飛雨留關竹護雲無須謝車騎心
遠爲徵君

過廣平懷具二純叔

爾昔承麾日余茲趨府情棠陰覆廳事苔石見
題名夢裏叢臺月愁中漳水聲如何窻岫色能
憶謝宣城

登廣平借寇樓寄寇體乾同年

同是皇畿宰回驚二十秋人隨台獄迴年逐滄

河流月黯琴疑在花深馬詎留寇公那可借日
暮倚高樓

七夕孫魏縣招遊李氏園亭同諸君作

天上逢佳夕林間結勝遊主稱四美具賓獻七
襄酬張組紛車騎開尊望女牛坐深河鵲返弦
月下淇流

寄子約弟

兩地承嚴窳同時罷省郎因書問舟楫何日下
沅湘客夢頻棲月征途欲戒霜平生題賦意那

得倦遊梁

簡長垣劉尹

獨坐臨流處彈琴最憶君
降霜花發後落日鴈
來羣縣外夷門路齋中少室雲
裁詩寄劉尹佳
政欲相聞
訪葉給舍
北闕因言事東莊早拂衣
人從泗水別書到廣
川稀素業存荒徑清宵夢瑣闌
相逢惟勸飲世
事也俱非

早曉發淄川寄孫國華

莫惜封侯晚聊隨牧豕羣
室遐心自邈書到語
相聞馬渡淄中雪人棲谷口雲
東征果何事祗
愧不如君

邯鄲道

邯鄲臨古道車馬此通津
錦瑟空遺恨朱衣易
染塵王昌非蕩子趙女是才人
併逐漳流盡叢
臺蔓草春

永嘉登江心寺

歷代詩選 明皇甫子循 卷六
雙塔峙琳宮諸天一水中迴看雲島合直與海
門通荒寢憐文相高樓憶謝公潮聲無日夜惆
悵古今同

除夜與一龍王生酌酒

湖海逢除夕衙齋戀故陰感時行路嘆落日倚
門心竹葉傾難盡椒花坐已深南州留榻在且
莫賦歸吟

天寧寺遷內樞

翠萋辭官舍靈筵啓梵宮香銷灰劫後淚盡雨

花中棲處知魂寂歸時悟色空一從羅帳冷不
敢問春風

春日柬張秋官

張平棲隱處閉戶只翛然心遠雲林外春歸花
鳥先草間寒積雪竹下暗鳴泉欲訪辛夷塢題
詩報輞川

子陵祠

問水下桐津看山入富春花源別是路魚鳥自
爲隣獨作垂竿叟多慙薦藻人滄波流不盡何

以遡芳塵

崇道觀登試劍石同龔温州

采秀臨丹壑攀蘿踐白雲仙源那可測巨石已
中分劍化靈猶在爐寒火自焚今宵看斗氣一
爲問夫君

三巖洞

峭石何年斷飛泉竟日聞虛堂秋易入晴樹雨
難分夜似觀廬瀑朝疑帶楚雲坐深羅袖冷猶
自戀氤氳

送王子亮卿遊天台

嶽路從茲始仙源信可求客情臨海嶠鄉語永
嘉舟天外看霞起林間聽瀑流無能解纓去送
子欲神遊

萬象山崇福寺

蓮城最高處蘭若此中開水見東溪去僧聞西
域來啼鳥喧梵座花雨淨經臺觀萬俱空境何
須得象回

秦駐山

萬乘留秦蹕千秋紀越山水從溟海外雲自會
稽間草樹迴窮髮魚龍會 聖顏不知徐市去
靈藥幾時還

東溪寺

東溪斜抱郭數里接仙源嵐氣迴盤嶺灘聲到
石門僧開翠微舍客造白雲軒訝可無機事看
鷗代晤言

贈王平陽侍御謫官

始悟言爲罪俱憐竄是恩漢廷新涕淚楚國舊

招魂兵燹殘城邑風濤接海門平生擊楫意知
爾欲飛鸞

東張比部

愧我風塵役多君雲壑情高眠消暑氣燕坐談
秋聲馴鹿能調性岩花盡識名可容車馬客明
月訪柴荆

訪王中白不遇

北關因投劾東江但掩扉心忘秦歲月名在漢
京畿羅雀朝相訪呼鷗夜不飛猶聞入山去豆

熟未言歸

簡萬鹿園寺居

行營辭細柳開府寄東林對塔占雲氣安禪就
樹陰輕身驅白馬收土散黃金何自除煩惱澄
公誦法深

補官南都述懷一首

北關承嘉命南邦事遠遊舊京鄉夢路新水客
程秋得喪心同馬行藏跡似鷗一官聊避世何
處不堪留

懷楚中舊僚張子時遷東昌判

牢落同爲郡鸞飛最憶君離尊郢門雪歸馬漢
城雲道路情難極星霜歲易分心如洞庭葉秋
晚只紛紛

登燕磯後仍過清江道院答蔡白石

別有清谿勝迴探思不窮鳥鳴殘雨歇帆落暮
潮通關路逢桃徑江花引桂叢還聞歌水調流
響步虛中

送家兄赴浙三首

岐路易爲情那兼骨肉行同茲戀南樹忽是餞
西京碧水通吳苑青山帶越城無因鄉國近遂
使別離輕

晚造祖堂山

別島通幽徑叢林隱法堂逢僧龍樹後携客虎
溪傍帆影帶江盡鐘聲過嶺長從知探賞累一
遣坐來忘

宿幽棲寺贈海天上人

投跡空山夜飯心此問禪錫飛辭嶽後杯棄渡

江年花落仙巖近松深淨榻懸融師雙樹下見
爾一燈傳

日暮山中贈白石蔡子

華省非常翫青山聊對君心將守空寂跡許謝
塵氛竹磻晴鳴雨松關晝偃雲倘逢名嶽去禽
向得同羣

聞王維楨赴都寓天界寺

一謝天台郡還來入帝京如何逢下榻猶自隔
重城客路聞鐘意空門駐馬情遠公應與晤靜

裏話平生

寄廖洞野學士

一自辭供奉憑誰問卜居朝園藝槿後夕浦采
蘭初宋玉工題賦任安待報書莫將憔悴色空
對楚江漁
華公泊丹陽青山柳巷
日暮丹陽郭維舟旅思遠蟬隨江柳斷螢帶野
煙飛練水乘秋浦兵關入望微寧知垂翼鳥猶
畏弋人機

重經四祖五祖山

慧宇接巖阿塵鑪惜再過鄉書吳鴈盡客淚楚
猿多鐘梵凝青靄銖衣掛碧蘿那堪彈指後年
鬢已蹉跎

滇省監試武士

鎖院此重開登壇屬異才花非桂子落月似柳
營來漢業銅標在胡塵鐵騎催行看投筆去竚
爾勒銘回

玉女潭

仙潭如鏡不飛塵琪樹深藏洞壑春靈運鑿山
因作主鄭莊置驛遠通賓新題殿閣懸金額舊
倚窓扉化玉人聞道太常方禁酒步虛聲裏夜
朝真

寄王維楨戶曹

扶病尋真宿羽壇塵蹤那識是秦官山中瑤草
傳情易天上瓊枝會面難華省久淹猶執戟明
時須愛但加飡應徐零落元瑜迹莫以風流憶
建安

金陵懷舊

平生蹤跡半京畿別去秦淮歲屢違道上投珠
知己少市中擊筑酒人稀寺尋白社僧猶在宅
訪青溪客已非莫學隴西逢醉尉夜深愁向灞
亭歸

普德寺

古寺城南訪六朝高臺一望幾蕭條門前黃葉
催年暮林外青山覺路遙塔影常圓沙苑月鐘
聲靜帶楚江湖老僧宴坐談禪定送客何曾過

虎橋

赴丹陽廣福寺與弟言別

古寺碑題西晉年
澄湖如練倚窻前
寒雲自覆金光殿
荒草猶埋玉乳泉
楓葉染霜秋後色
雨花和梵夜中禪
亦知閔水同觀世
不奈潮聲送客船

將之南都別親舊因寄寺僧

秣陵城外長干寺
潮落滄江一水涯
客路欲隨南國鴈
離筵先就故山花
因辭宦轍憐奔走
數

過空門感歲華
朝省慕容鄉曲賤
此身端合住僧家

歲暮寄胡開府

平戎今代推司馬
屢奏飛書達漢家
雪後三軍蒙挾纜
月明千里聽吹笳
盛張旌節屯江左
時泛樓船出海涯
聞道西湖罷歌舞
春風依舊見繁華

尹山留別子約弟

野寺維舟日未曛
越江從此路初分
酒酣南浦

歷代詩選
卷之六
聞驪唱夢遠西堂憶鴈羣
草閣經秋來爽氣石
牀過雨絕塵氛
青山堪臥那堪別
祗自將心媿
白雲

郡齋秋思

郡齋忽漫秋風入
芎樹先凋片葉梧
雲際早看
衡鴈起月明愁聽峽猿呼
絳侯不肯容才子
漁父無勞問大夫
一自銜恩違省闈
寧辭飄泊在
江湖

首夏偕張李二明府遊赤壁分韻得坡字

人留勝地臨江上
客有高軒得並過
雲起楚臺
聯石壁水從湘浦接
煙波漫因明月傷
千里更
遣迴風入九歌
自愧清時承遠謫
可無詞賦擬
東坡

聞警

軍書插羽達齋宮
聖主停祠欲禦戎
燕地笳
喧榆塞上漢家月照柳營中
師從神武何曾久
運掃妖氛會自窮
慷慨卽思投筆去
一朝開域
佇銘功

歷代詩選 卷之六 寄許中丞防禦昌平

東山歸臥久辭喧北關重來慰至尊分闡正
當三輔地侍祠多在茂陵園黃金散盡因收士
白馬長驅爲報君舊日忘年文酒客帝鄉猶阻
孔融門

東坡送張尚寶謫淮南轉運

繁華自昔數揚州君去無嗟奪鳳樓試訪名花
甲隋苑好攀叢桂對淮流河橋月上開官舍海
縣潮迴放客舟年少辟疆猶作吏論功誰復念

留侯

白貞夫免官

文章憎命不堪論留滯官階二十春病裏金丹
思服食晚來銀艾笑垂身明珠道上誰知也紅
粉官中慣妬人歸去名園多勝事投書一爲謝
平津

送顧司寇調南省

尚書門接古崇岡信是人間吏隱鄉檻外鐘山
瞻王氣鏡中湖水閱年芳兩都去住元無係三

尺平翻總舊章聞道民窮輕犯法願教刑措佐
時康

訪谷少岱

匹馬茸裘下北平亂山殘雪賦東征清時解綬
聞陶令白首談經數伏生載酒花間逢好事結
廬泉上不爲名練湖舊遠丹陽郭猶記鳴琴在
水聲

寄蔡衡州

一官報爾今河朔千里懷人楚水長花發幾迴

思建業鴈飛何處是衡陽訟庭不廢京華牘
寢其如省署香日日江頭聞送客空於詩卷恨

錢郎

始登南明山

名山終日俯南郊出郭纔聞十里遙直向千峰

探化閣暫依山樹息塵鑣梁橫斷壑雲常覆礪

落疎泉雪未消莫訝使君非好靜桓伊今受遠

公招

武林追憶少玄

歷代詩選 明皇甫子 卷六 三
會見褰帷向越城非關爲吏厭承明身隨零露
朝先盡恨落江湖夜未平芳草不傳池上夢薇
花猶繫省中情湖心諸寺聞題遍留取山僧護
姓名
送金比部謫官北上關十里
休將得罪歎明時君去應逢 聖主知坐對越
山傾別酒行攀槐樹寄離思省中執法憑三尺
關下銜恩戀一麾予亦周南留滯者春城揮手
各淒其

懷龔温州

江縣逢君春草生禪林趺坐正啼鴛離尊秉燭
流連醉歸權乘潮信宿輕閣內嘯聞劉越石郡
中吟憶謝宣城相思忽漫秋風起南鴈來時一
寄情

鴈宕

千山行入鴈山中猶道仙源路未通鐘落風濤
知近海衣生雲霧若凌空竒峰指點憑僧話幽
壑躋攀只鳥同別向龍湫訪飛瀑一林晴雨石

梁東

蔡少府招宴大佛寺乘夜泛湖

明府邀賓出郭西
梵宮張組面湖隄
兩峰日暝嵐才合
雙樹雲寒鳥半棲
信是中郎迎倒屣
那堪吏部醉如泥
古來秉燭堪行樂
况復舟回月滿溪

盧龍觀和蔡法曹

芳辰締賞許心同
獨見玄暉擅藻雄
曾是江山開勝地
尚餘樓閣待春風
青谿水遶龍池滙
縵

嶺雲來仙掌通不信
金門堪避世
花源何似帝城中

靈寶寺

寶公舊日安禪處
雙樹依然初地開
歲久丹青凋畫壁
春深花雨落經臺
招提景接橋山外
功德池分灞水來
聞說此中容吏隱
濫巾時向草堂回

薛吏部見過

同時分省漢西京
得暇相過蓋屢傾
戶外不知

芳草歇林間。已是夏蟲鳴。爲耽玄理，輕辭賦，因
臥滄江。減吏情，坐接高談，心自醉。從君將欲棄
平生。

歸自牛首，同諸君携酒訪徐公子。

青山別後，每思君獨臥朱堂。絕世氛，共載酒肴，
逢好事，淹留車馬，爲論文。曲池新水，鳴殘雨，隔
院芳陰入暮雲。公子從來能愛客，無言不醉，處
離羣。

答蔡子木初秋約遊之作

官閒似與病相宜。朝謁俱無起。獨遲禁苑，蟬聲
移物候，空山木葉報君知。薄遊丘壑，何嘗廢雅
興。琴書每自隨。聞說潘生歸騎省，却因詞賦動
秋思。

七月六日訪蔡比部作

中郎身寄白雲司。戶近青山秋草知。樹下聞琴
蟬噪後，花間倒屣客來時。迢迢榆漢，雙星待冉
冉。蘿陰滿徑，垂行樂。漸宜清夜，永從君秉燭，向
南皮。

寄王地曹湖上

禁湖秋盡渺芙蓉憶爾幽居定幾重
掌賦久應知戶口披圖一爲辨提封
雲深自指橋陵樹水靜如聞閣道鐘
信是僊源人不到惟餘明月得相從

江山觀發兵用韻

江門選士擁旌旄臨發猶聞贈寶刀
脫挽新承戲下命吹簫曾授匣中韜
月明隴水鄉堪遠雪度陰山路豈勞
鐵騎經年隨苜蓿金盤何日薦

葡萄

巖潭席上贈王進士

少年獻策承明後遂見乘輅出漢關
司馬新爲巴蜀使買臣初向會稽還
江邊月色通吳苑天外霞標指越山
不是絳紗門下客何由瓊樹一相攀

曹溪寺

唐朝勅寺蒼山裏石壁晴嵐護法輪
樹冷陰崖常帶雪花深幽徑不凋春燈
聯寶塔傳三昧香

歷代詩選 明皇南幸 詩
拂銖衣斷六塵西竺本來開教地葉榆流處是
恒津

同年李兪憲邀登岳陽樓

岳陽危閣俯長空極目江山思不窮沉鐵尚存
潮落後吹蘆會渡月明中煙波渺渺兼雲夢木
葉蕭蕭下晚風莫以登高歎遲暮古來淪跡二
張同

太華寺詠落花

綴幌霏筵各有因長安萬樹總辭春
殘粧帶雨

猶含泣薄質隨風易損神信斷御溝爭似葉香
銷清路不如塵朝逢鹿女銜將獻證却從前色
悞身

遊四祖山寺

談經聞四祖結宇在雙峰玄籥留真偈冥筌出
慧宗招提懸白日欄楯架青龍泉落時浮鉢山
深午罷鐘金河遙證果石徑悉盤松屐往香泥
印衣歸寶霧封同茲探象教一爲謝塵蹤獨惜
僧徒散空堂客思慵

觀虎跑泉

自昔開僧舍言疏禮佛泉忽從衡嶽外幻涌越
山前金穴神龍吐銀牀羨虎眠響幽宜間竹色
瑞併成蓮定識調心得流知出世緣從茲功德
水常普法華筵

王元美席上賦得邊馬有歸心

應瑞來宛國銜恩入漢家胡兵犯燕塞驃騎出
龍沙爲報千金顧寧辭萬里賒蹄穿朝踏雪聲
斷夜嘶笳逐北名空在征南賞未加詎隨班定

遠生作玉門嗟

送王仲山兵曹使楚

一尊吳苑酒千里楚雲鄉漢使新乘傳周官舊
職方遙天廬嶽隱春水洞湖長嶺外聞猿嘯衡
中見鴈翔荒祠猶傍竹廢宅幾垂楊吊古情難
極探竒興不忘停舟驚草綠解佩贈蘭芳祗爲
鮑辭賦知君滯鄖陽

題美人蕉

帶雨紅粧濕迎風翠袖翻欲知心不倦遲暮獨

無言

過句曲劉生

家鄰西晉寺門對大茅峰劉向傳經處空齋落
夜鐘

詠白色鸚鵡

身向炎方萬里歸衆賓誰不訝朱衣漢廷白首
爲郎署獨未銜恩得借緋

句曲崇明寺寓眺

義和三十六禪林處處香臺悉布金歲久荒涼

無半在祗餘危閣鎖秋陰

化城東望接崙峰九曲西流匯上容洞口欲乘

茅氏訣丹書猶說石函封

過北川橋舊寓

客舍依然禁籞西女墻淮月古清溪春風爲笑

堂前燕門外何曾識馬蹄

御堤柳

御堤新柳碧粼粼裊裊霧垂煙晝不堪借問道傍
車馬客幾多離思在江南

古意

奉帚長門二十年
慵施脂粉取人憐
聊開秋扇閒題罷
較是春心薄似前

對月答華陽兄見懷諸弟之作

南北何如漢二京
迢迢吳越兩鄉情
謝家樓上清秋月
分作關山幾處明

皇甫湜 字子約有理山集

天王寺作

原逕入江色晴芳
春自深亂畦通古
寺落花隨

遠濤浩劫聊可億
化因那復譙蘭生
宴坐處寂歷空潭
陰莫以古來感俛
仰亦易侵出谷悅
鳴鳥間關向前岑
鐘聲度蹊瀨松午
清人心太息僧繇
跡懷哉雙樹林

休沐還道中

二載羈華纓從告
第言歸時乏善鳴
分始知文木非川
途戒阻越心志壅
何依雲霞被芳泐
卉樹合暉噤噤鳧
鷺羣肅肅搗羽飛
遇物春已殷興感
情屢遣感念同袍
友日遠聲問微我
行

曠嘉月薄澣懷荆扉山櫻候時發野蕨晨餐飢
伊予歲方偃軒冕謝清微

過武城界

長風動城隅白日麗江干奔壤有緬矚激流無
急瀾周道蔭柔桑盈疇汎馴翰晨興倦于邁攬
物勞寤歎絃歌旣已邈賞心唯自難方協滄洲
想濯我塵世冠

王甥至傳家兄信感賦

昔我別都門與子成東西蔓草一爲惜柔楊三

綠萸今爾客南冠猶沾故國泥再歡浮迹合因
傷中道睽爲我說余兄低眉曠雲霓能不摧人
心喟然鄉思迷生世苦結束悵邈青山溪

昌平登陽翠嶺望居庸

漁陽通古北上谷邈皇州綿山帶西日重關枕
滄流澄霞澗影分歸雲巒氣收陰崖忽成晦夏
色驚先秋無以行邁心恤此烽煙愁伊昔布駿
略婉矣幕中籌匪今重俠士自古弁與幽傷哉
投筆懷白首何所求

從僧簡經說難

少乏諧世姿長逢行路迫何爲百歲間坐使千
慮積薄從沙門遊聊與同所適風遠水木華雲
興梵鐘夕委扣愛良託空情藉深譯曾是投石
心對爾翻經席迺協支許懷馬貴軒冕客初服
倘有期永願庶可畢

詠懷

飲河豈在多巢林亦但容苟非磬折流持釣煙
瀨中趙良獻深識處盛徒自窮蔡澤掉寸舌倏

忽榮華空藻春有先落隕秋無居功如何人爵
閒恒使情內忡是以鄭侯粟一謝寧不充

彭澤

重江轉溪綠疊嶂敷林滋山邑信茲美清風播
休時絃歌薄從宦景物聊所宜遐想歸來晚何
勞束帶爲以予獨往意兼此形役悲飛鳥征途
外浮雲空我思有情依澤柳結念在江籬愧彼
栖遲者猶懷三徑資

赴洛留別華陽兄一首

浮雲薄高山崇朝去還結遊子不憚煩悠悠復
徂轍密親自茲曠臨流何能發衰林動遠風寒
江冒輕雪遇物隘所悲興愁頓難絕無以赴洛
人懷哉但吟越

贈冷歸德

歲晏多悲風景曜易以戢繁星麗雲端夜光難
爲色君子凌世務嶮巖徒可測浮且挂神鱗塵
羅離高翼大道倘不夷胡然蒙榛棘乃以傾奪
時復投章甫國遠志固無嬰齷然眷棲息霞嶽

仙靈蹤巖芳塲駒食豈伊名位間使子煩心臆
寺本大田嶺

平疇跨層嶺秀色連疆圻升枝巖上千屯雲礪
幽披秋色見花露苔泉散清暉我行屢來過時
序忽以移深討諒昔賞疲陟故今違吾生邁道
喪十載無伸眉寧不思返策言指班廬歸息景
允初念蓬心久已非

覽九鯉湖夜宿仙館

生平寡情慕志乃窮玄玄杖策縱遐討日暮登

山巔傾崖疊危磴懸壑注鳴泉夕巒上孤月石
壁凌蒼煙山深草木長歲晚被華鮮豈倦風御
遙釋我塵拘牽衣裳落雲霧雜饌芝與荃於惟
隔人代肇允棲羣仙素書秘瓊寶丹竈掩苔錢
乘鯉入杳冥歸鶴還來旋倘承浮丘遇假息駐
適年

與華陽少玄小集

予本丘壑姿常懷抗冥迹歸來剪棘臥時序忽
已易繁我同心親敦念良慰懌置酒命薄饌茹

簷聊可適涼颺動方霽新暉藹將夕所願各極
懽無庸憤感積試與陳百年終焉晤三益

不赴郡檄答子循兄

矯翰思霄翥游鱗託淵沉物類各有適殊塗難
並尋豈伊世網慮擾擾誰爲心振衣還東山寢
迹棲舊林張邴契遐躅眷余情竟深江海多風
濤舟楫弭川陰無令衝颺激但恐歲序侵願言
謝西府谷口有徽音

歲暮

時物感載陰華芬隨年凋微莖委玄野脩陵靡
陽翹豈乏凌寒質孤凜霜雪朝膠枝出深澗悲
吟向風飈人生偶斯世胡能無鬱陶君子守固
窮終歲偃山椒

又

季冬違淑候但見玄陰結物化各以時胡能隆
所缺潛深有神鱗鳴條無微蛇霜雪塗我庭何
由吐芳苗諒此達化先匪伊明與哲

又

凝冰天氣肅百物隨化遷桃李未始華萋莽亦
以繁匪時策高足侈矣忘危顛容華相照耀得
意任飛飈寧知肉食鄙坐致葵藿言潦宮無崇
哲懷璧有餘愆交喪令人悲淳朴何由還

三月三日飲治平寺

芳辰暢幽意撫帶登迴川高偃翠巖側雲門啓
蒼煙遠風結層漲倒景浮中淵溪隱竹自豸林
芬桃正然朋情旣已洽春服復相鮮草色契深
藉松逕排空緣欲尋芝澗去轉迷鸞谷前爰從

一水曲日夕且洄沿

十三夜月

清宵式良宴懿親同所歡輕飈集廣除素月流
南端含光映嘉樹微響振琅玕側聞吟夜蛩仰
落雙栖翰興彼節物感覽此露華寒昔睽西園
酌今共北堂看樂飲何所極衡傾猶未殫

閨蠶行

忽覩楊花合復看榆莢齊懿筐及蠶月少婦警
深閨時抱蠶飢念宵帷候曉鷄眷此機中素絨

爲篋內綈裂紈侍君子同裳願不睽却笑遠征
人徒憐芳草萋

酬朱公子上元燈宴歌

公子朝回金埒邊夜傳膏火照芳筵霞棟虹
啓懸薄龍珠鳳藻輝相鮮朱輪萬片嬋娟色綺
綴千條蘭麝燼翔枝珍鳥翠交下雜樹瑤花紅
更爇仙靈盡出蓬萊伎妖冶紛將屏帳妍直取
芳菲雕檻側會誇嬌艷玉臺前玉臺雕檻臨華
夕結組垂貂走珠鳥五色漿搖琥珀杯千重錦

歷代詩選
朝聖甫子約
襲琉璃席新作笙歌學鳳聲
姱舞侏優肖鸞跡
星女遙窺桃李姿
月娥暗墮芙蓉魄
暫持春夜勝黃金
顧影傾纍未虛擲
豪陵俠氣坐相將
子夜忘疲箭刻長
瓊樹開時疑絕艷
玉繩低處溢流光
梅花歌匝潘郎駕
寶篆春留荀令香
欲去還憐對卿月
鐘聲燿外轉朝陽

朝歌道望太行山

浮舟衛水上走馬朝歌北
看山極杳冥孤遊暮情積
太行山色自西來
巒磴迢迢天際開
海氣

蒸雲作山狀生霏隱日遙
相向茲山合脊跨平涼
山中詰曲走羊腸
問君行路何如此
遂使心顏從此傷

酬秀公贈春茗歌

中歲長林方偃臥時學文園理
緗素松筠過雨草色深
不覺流光忽春暮秀公折簡惠禪心
春風直度旃檀樹相思如思珠樹花
懷予餉予山中茶嫩葉羅生含碧玉
雕盤捧出黃金芽應憶雙林灑芳液
採服生顏潤肌骨不須龍鳳擬成

團却疑仙掌探崖窟解得玄津夙悟緣何愁消
渴已頻年秀公戒定如澄水空門色相承青蓮
高僧堪補惠遠後愧我豈及盧仝前因之欲共
乘杯去試酌山中陸羽泉

曉江行贈崔生

濤發岷山北煙寒漢水秋朝來登楚望導漾阻
漳流美人學道隔秋水高慕長桑臥蓬里八石
何如飲上池三芝掇盡憑刀七沙堤秀陌訪韓
康一望陽臺雲水長花落沅湘坐蕭索漫隨漁

父問滄浪

湖口行

竟日遑迴汎彭蠡夜來棲泊投煙渚馮夷鼓怒
洪濤驚天吳驟發悲風起石底奔流大壑淙絕
瀨縱橫走狂豕魚龍窟宅多恠竒懸崖慘烈猿
聲死舟子喧騰戒維楫征人喚渡嗟行李試看
風波何所之世路悠悠只如是湖口妻妻斂客
情撫膺長吁意稍弭寒月依微下楚江廬山縹
緲臨星渚青門豈協遠公慮名嶽偏爲向禽美

歷代詩選 明皇朝一編 吳
明日虛舟湖水平揚帆截流去千里

章臺行

巫山慘淡長風發白日疑霾曉江越南國逶迤
春自深千林煙雨催芳月野色溟濛吊故宫青
苔杳漠悲幾闕憶昔君王恢霸圖誇詡羣邦侈
輿區殫民竭澤爲瓊居落此臺榭窮歡娛縹緲
雲中雙鳳城朱門耀戟翻霓旌選徒徵伎羅絃
服巴歌楚舞揚新聲朝馳獵騎蒐雲夢夜上吹
臺低玉繩猶言君王樂未極從此銅駝荆棘生

棟宇垂裳不可說明堂嚮治稱丕烈夏作傾宮
殷監之古來愚睿同湮滅誰令鄘郢蕩丘墟斥
遠賢智嘉猷絕千載雄圖不復還高臺傾葵向
人間朝看走馬風塵路楊柳婆娑損客顏

淮堤行

蘭橈擊汰長淮下去去清漣向東瀉翠荻梢煙
隱釣竿垂楊吐月嘶騮馬南國繇來此地還每
因淹泊在人間亦知叢桂年年綠空對浮雲憶
小山

七里瀧

入瀧淡晨旭
舟行夾翠微
驚湍墮巒色
連岫引江霏
水木淹停策
雲霞繫客衣
從知人去後
堪憶在漁磯

夜泊潯陽

潯陽一夜泊
秋色大江空
月出澄虛水
霜華薄緒風
客情吳楚接
感慨古今同
山郭氤氳入
寥寥懷遠公

雪中過南湖僧舍

不遠南湖上
東林許再過
江連沮澤迥
雪到郢門多
野色搖祗樹
深寒積敗蘿
唯應依靜域
歲晚得狂歌

過承天寺

寂寂江陵寺
遙從東晉年
雲煙但蕭索
棟宇尚依然
草色荒臺暮
松聲野梵前
羅含嘗有宅
總使慧燈傳

晴

長江罷飛雨
煙色蕩南津
浦權巴渝曲
村耕農

扈春林花澹斜日梁燕落驚塵今夜夷陵月清
光若近人

登懷度樓

一作江陵客長懷庾子山林岵相映雲榭獨
來攀恩禮湘東舊才名鄴下還子規花外語愁
思入鄉關

登巴陵望洞庭

南國分衡嶽巴丘左洞庭日懸雙鏡發雲滃遠
峰青釣舫煙中識蓮歌茨外聽獨憐長劍客漂

泊正如萍

泊漢口

澄江散餘霽涼月生前岑桂檝空遲暮蘭皋方
滯淫夜漁歸靜瀨孤狄懸高林渺默東還路悠
然入漢陰

甫離蘄水渡龍潭

片帆江路永落日客愁深物序歸途換親朋旅
思侵乍離邾子國已見遠公岑平莽龍潭曲空
爲漁父吟

泊池陽晚眺秋浦

花落池陽館天深白苛陂昔人美清曠丰酒遲
佳期栖泊漁舟晚愁懷猿嘯時惟堪秋浦月猶
挂女蘿枝

采石

江流東欲盡巖逕轉看幽木秀溪邊寺花嬌石
畔舟林堂煙漠漠星渚夕悠悠旅思勞歌發徒
懷謝客遊

贈答子循兄還山詩

舉世傷塵事誰能早見機滇南初解紱江上暮
言歸日靄搖清幌山花映白衣却憐梅福市相
對掩柴扉

有所思

却憶山中暮佳期渺未歸薜蘿含露葉楊柳亂
煙暉離瑟開塵匣餘香卷夜衣愁心不及鳥猶
逐白雲飛

雨後獨坐懷周山人

燕薊多風雨輕寒五月來殘陰懸嶂落初霽拂

檐開遊騎看相逐離禽聽屢哀寄言周處士常
憶北山萊

七夕

霽雨澹將夕明河流素暉雲依支石淨星傍鵲
梁微夜色搖團扇秋聲入搗衣七襄徒自詠無
那客情遘

途中寒夕

輕帆歛雲霽寒食下清川水木芳春暮風塵去
國年遠原開鳥逕極浦澹漁煙歸客遊方倦勞

歌柳色前

春日閒林啓百泉兄

世事投綸外長懷隱几中青門情易別滄海思
難窮池草初含碧原花半欲紅歲華能不惜寧
爾但書空

來夏送沈仲文之武林

問竒殊未倦游會去方賒送子看雲水其如感
歲華晴光動山郭秋思引江葭勝事勞相訪應
先到若耶

寄王水部

山寒人不到江月鴈頻過漢臘催時歲秦官託
薜蘿丹砂知理秘白髮覺愁多爲問淮南藥年
來更若何

真州留別華陽兄

河梁意不盡相送到真州草木成今別江山是
昔遊各言衰鬢客那忍故園秋明發東西恨惟
看一水流

九日飲王道士雙松精舍

九日陶公酒玄都薊子羣秋陰初變露松色半
藏雲鶴迹尋瑤草霞杯汎夕曛醉來偏落帽清
籟此堪聞

尋靜安寺方丈

客思隨幽討僧堂到夕曛晴懸千嶂雨寒抱一
丘雲萎草猶花發空山自鳥羣亦知禪寂處秋
色轉氛氲

徐以言一別四載去秋抵於江邊一會追

今歲過我小集喜賦

歷代詩選 明皇甫子約 卷六 五
交態昔云曠愁懷誰與知滄江一會面瓊樹幾
相思曾是開樽夜還應下榻時窻前鑒明月若
其爾爲期

彭子領徐州河堤使予再抵驛過訪宴於
新堂左右圖書庭前花竹逸趣宛然形
勞頓息

山驛添雲色河渠汎雨涼逾年還再過對酒况
深堂細竹搖窻密新荷到席香從君簡書帙莫
問去津長

度荆門

邈矣荆門路悠然過客情草逢黃落盡山入翠
微清遠樹分江色寒原見雪明可令懷徃代感
激自平生

送張子還京

垂柳拂叢條殘星引去輶夏雲流驛路秋水澹
河橋媿我依梁苑懷君入漢朝倘逢知己問休
說鬢顏凋

汎上

歷代詩選
臘破知年隔春遲見雪多重岡兼驛盡深嶂與
雲過日暗成臯險煙寒汜水波勞勞客情劇使
我自爲歌

羅漢灘

彌天開妙覺建刹住清溪座擁寒林秀窻臨落
照低潭光空世相雲影映山棲祇自無名欲還
能悟客迷

過石湖山寺

湖山探隱逕舟楫度晴暄已解辭羈鞅還來問

給園片雲明斷石平靄入前原卽佛應無法誰
將喻一言

詠桂

借問淮南桂山中鬱自芳秋風當戶滿夜月度
河長逸興偏能託相思遠其將淹留殊未返歲
晚惜微霜

過孤松上人禪院

世事如同幻空門好再過東風吹大地春色徧
煙蘿慧日朝光近天花晝雨多十年談寂處相

對惜流波

桃花園新秋雨後二首

曠跡同樵隱行歌學楚狂
緒風吹夕霽大火散
秋光水木澄華遍川原引眺長
觀魚從所樂何必問蒙莊

又

徙倚疎林外川原過雨時
餘清送秋色落景動
愁思投老須成隱還丹未可期
丘中無俗事聊覺歲華遲

其出詠屏風

畫閣鬱金香朱絃寶瑟裝
人同秦漢隔林奪歲
時芳間水桃花遍尋山蕙葉長
窗前誰誤點莫以惑孫郎

數千百泉兄同過虎丘如山僧院

春中微雨後卉木散華滋
况是東林近偏宜吟
臥時水煙寒鳥下山靄夕
雲遲何必招蓮社相携就遠師

送仲新姪讀書竹堂寺

歷代詩選
卷之六
五
欲就調心處，還過大士家。
一燈懸白日，群動息恒沙。
混迹齋時飯，閒緣空外花。
東林饒翠竹，余亦問三車。

送劉子威解服之京承臬

送子傷離別，况當秋色深。
重雲遶江驛，秋旭帶霜林。
旣畢慈親戀，終持許國心。
相思從此積，莫使鴈書沉。

上元觀燈效小庾作

月出初年艷，燈傳永夜春。
花然千樹發，色綴幾

重新落醖分，遊綺生香匝。
市塵歡歌隨，漏徹爲語洞房人。

聽歌

最是吳歛善，偏多子夜聲。
顰眉兼怨出，啓齒合愁生。
麗景傳歡緒，離宵縮別情。
流光芳樹底，奈可爲君傾。

偶過吳江訪子新

一徑條然臥，何如仲蔚廬。
蘿煙栖枕簟，湖月入階除。
靜有各山思，閒唯老氏書。
平生尊酒意，重

對夜窻虛

玉河新月答朱子价

馬上逢人當日暮幾回新月玉河流鳳凰城下
光疑泛鳩鵲樓邊彩並浮遙憶關山愁弄笛更
聞宮苑戲藏鈎同君此地鳴珂夕何似淮南桂
樹秋

楊村逢雪

江村飛雪帶長河莫是春深芳意多閒入柳檣
添曉色翻隨鳧翼映新波何當漂泊愁中見况

及蒼茫野外過解道我行淹水宿不嫌沙際並
漁叢

和百泉兄春暮獨坐

忽聞遐想厭人寰直似年來學閉關煙棹未應
浮鏡水茅茨先欲訪名山空庭春色花間逝高
樹禽聲雨後還潛室狂生人豈解祗令添却鬢
毛斑

送蔡子木為衡陽郡

逢君只自感當年况復含情對別筵似為股肱

臨楚服可令詞賦動湘川
愁隨晏歲浮雲外
春入平途暮柳前
見說衡陽堪坐嘯
相思何日鴈書傳

答華陽兄念別之作

歸來不及稅東田
早欲乘流入楚天
戀別豈能揮短袂
驚時况復吐新篇
露寒燕北秋花落
水盡荆南暮雨懸
寂寂故山揚子宅
何年同老白雲邊

過貴溪謁江學士留賦

滄溪盡遶仙山路
碧樹幽探學士居
侍從長楊曾賦獵
賜來緗帙舊藏書
情同鷗鳥知何有
身在松筠得晏如
自昔緬懷推獎後
龍門迴望幾躊躇

汴州春日

若爲遷客嘆離家
歲序相催鬢已華
幾憶夢還知故國
忽逢春入在天涯
風前曉色初歸柳
雪後晴光淺覆沙
總說遊梁曾未遇
也須愁覩洛陽花

三月三日

三月春催桃李枝清明上巳總相宜少年走馬
夷門道盡日看花曲水池來燕覓巢嬌畫棟新
煙出火映華蕤梁王去後歌鐘歇莫以河南比
昔時

答王生夜宿山寺寄懷

若爲野興愛夷猶獨向空山禾黍秋草色自依
多露寂月光偏照夜禪幽閒看貝葉燈前覺靜
聽恒河枕畔流雲濕鐘聲遙隔曙知君相憶碧

溪頭

黃致甫自秣陵歸叙

茅齋春思未應殘三月東風帶曉寒江上櫂歸
消客慮庭中花發慰愁看却憐叔夜長違俗莫
笑梅生早掛冠世路總嗟人易老衰顏何處問
還丹

吳少叅期遊天池不赴作詩報之

空聞惠遠能招社何事攢眉愛索居背郭雲峰
新雨後傍溪花鳥暮春餘遙傳二梵堪題讚近

履代詩選
演三車好載書却笑臥來人境隔獨懸殘月照
林廬

自詠

不復彈冠與世疎丹霞蒼竹愜閒居每因鏡裏
憐芳樹幾向山中訪素書機事已忘爭席後交
情空見署門初雲深莫更求顏闔久謝來過長
者車

送祖生之京兼寄其父

一從辭祿歸來後不復長安入夢閒今日北

牽別思更將西望動愁顏梅花夜落樽前月柳
色春深江外山漸覺故人疎曠易莫因侯貴滯
君還

一答子循兄早春見寄

帝城春色布金方羈客題詩春思長花發禪枝
閒自照露滋曇苑靜生香已聞羅什招檀越漫
學何顒戀法王行路轉看頭向白慙余何用久
爲郎

郡中作寄三兄

海邑罕人事炎天少鴈聲林舍丹荔發澤蔓紫
蘭生巖靄山頭薄溪雲水上行東菑正蒞務南
國若為情感念同駢服吁嗟阻寇兵迢迢思萬
里今夕月還明

許子春見訪夜集賦贈

一笑能傾蓋風流似爾稀春江迴遠駕雲逕藉
清微自愛煙霞近誰云車騎非開樽對繾綣終
宴惜芳菲漏轉露華濕歌長林曙微祗傷垂柳
色催動使君衣

塘上苦辛篇

春色動林端華陰覆長薄惜此芳歲期獨對青
山郭

答黃浮玉飲歸雪後作

迴雪嬌歌夜誰知清漏長朝來高臥處庭樹識
年芳

詠舟人折桃花

雲帆東望野人家原上紅桃春正花舟子也知
芳樹色折來猶自帶殘霞

遠公會說在東具今日乘杯入大都獨抱禪心
臨水寺白雲飛盡月輪孤

贈僧
盧溝橋

跨壑疏龍架石梁雕鞍寶馬度春光青山繚繞
游塵外萬戶樓臺鎖夕陽

齋中盆蓮盛開喜而成詠

剪落羅裙翠帶長露花嬌溢美人妝窻前霞影
翻成綺扇底風來總是香

送太學王生

江頭飛雪送征人短褐遙隨上國春名在諸生
應不負莫將愁淚客風塵

郢中覽古

曉傍章臺楊柳菲年年春色早知歸行人尚識
風前思攀折長條露滿衣

石倉十二代詩選

明四集卷三十六

終

卷之十 詩選

卷之九 詩選

卷之八 詩選

卷之七 詩選

卷之六 詩選

卷之五 詩選

卷之四 詩選

卷之三 詩選

卷之二 詩選

卷之一 詩選



程